



Broj: 01-45-1-92 / 20

Datum: 13.01.2020.godine

IZVJEŠTAJ

o radu Općinskog vijeća Tešanj za period 1.1. – 31.12.2019. godine

UVODNI DIO

Članom 117. Poslovnika o radu OV-a utvrđeno je sljedeće:

1. Općinsko vijeće obavezno je putem nadležne službe izraditi šestomjesečni i godišnji izvještaj i isti nakon usvajanja na sjednici Općinskog vijeća objaviti.
2. Izvještaj iz prethodnog stava obavezno obuhvata:
 - a) broj donesenih i realizovanih odluka,
 - b) prisustvo vijećnika obukama za funkcionalno usavršavanje,
 - c) broj odluka koje su inicirali građani,
 - d) broj održanih javnih rasprava,
 - e) broj građana koji su prisustvovali javnim raspravama,
 - f) broj sprovedenih analiza ekonomske opravdanosti,
 - g) broj građana koji su prisustvovali sjednicama Vijeća
 - h) prisustvo vijećnika sjednicama Vijeća.
 - i) broj građanskih prijedloga, primjedbi i inicijativa.

Izvještaj o radu Općinskog vijeća Tešanj za period 1.1. – 31.12.2019. godine predviđen je u prvom kvartalu Programa rada za 2020. godinu.

IZVJEŠTAJNI DIO

a. Općinsko vijeće je donijelo 49 odluka, 19 rješenja i 81 zaključak

Na dnevnom redu sjednica Općinskog vijeća bilo je ukupno 107 prijedloga. U prosjeku po 10 tačaka dnevnog reda po jednoj sjednici.

Sagleda li se struktura tema i pitanja o kojima se vodila rasprava i donosili određeni zaključci u izvještajnom periodu najbrojnije su bili:


- prijedlozi odluka 49,
- informacije 24,
- prijedlozi rješenja 19,
- izvještaji 15,



Općinski vijećnici su izvještajnom periodu podnijeli ukupno 91 akt i to:


- 43 vijećnička pitanja
- 41 inicijativu i
- 7 amandmana

na koje je odgovoreno, uglavnom do naredne sjednice Vijeća.



U izvještajnom periodu od 01.01—31.12.2019.godine Općinsko vijeće je nakon provedenih rasprava usvojilo ukupno 149 akata i to

- 81 zaključak
- 49 odluka
- 19 rješenja



Realizacija akata

Informacija o realizaciji akata koje je Općinsko vijeće usvojilo u periodu od predhodne sjednice, sedam dana prije održavanja sjednice, dostavlja se vijećnicima u materijalima za sjednicu, a objavljuje se i na web stranici Općine i oglasnoj ploči. U prilogu ove informacije se dostavljaju i informacije o realizaciji akata iz ranijeg perioda koji nisu bili realizovani. Na ovaj način vijećnicima i javnosti se daje mogućnost da reaguju u vezi nerealizovanih akata.

Uvidom u hronološki registar propisa objavljenih u "Službenom glasniku Općine Tešanj" u izvještajnom periodu, može se konstatovati da su akte donesene od strane Općinskog vijeća, Općinski načelnik i administracija uglavnom i realizirali u predviđenom roku, i da je u toku realizacija preostalih akata.

Potrebno je naglasiti da je u 2019.godini na prijedlog konsultanta MEG projekta koji prati rad Općinskog vijeća Tešanj, rad našeg Vijeća predstavljen kao primjer dobre prakse na temu "Praćenje realizacije akata koje je usvojilo Općinsko vijeće" na konferenciji koju je organizavao UNDP u Bijeljini.

b. Prisustvo vijećnika na obukama za funkcionalno usavršavanje u izvještajnom periodu je bilo zadovoljavajuće. Organizovane su i održane četiri obuke:

1. Izrada prostorno-planske dokumentacije sa akcentom na razvojnim planskim dokumentima, Prostorni plan. Predavač je bila Nermina Bešlić stručni saradnik za prostorno planiranje i urbanizam. Obuci prisustvovalo 10 vijećnika.
2. Funkcionisanje i rad nevladinog sektora. Predavač je bio Nedžad Unkić stručni saradnik za društvene djelatnosti. Obuci prisustvovalo 10 vijećnika.
3. Knjigovodstveno evidentiranje imovine općine . Predavač je bila Amina Mujčić, stručni saradnik za računovodstvene poslove. Obuci prisustvovala 14 vijećnika.
4. Zakon o stvarnim pravima i imovina općine . Predavač je bila Arijana Brkić, Općinski pravobranilac. Obuci prisustvovala 14 vijećnika.

c. Općinsko vijeće je donijelo 23 akta koja su inicirali građani.

d. Održane 4 javne rasprave.

e. Javnim raspravama prisustvala 53 građana.

f. Sjednicama Vijeća pored redovnih gostiju prisustvovalo 19 građana.

g. Nije bilo odluka koje su zahtjevale posebnu ekonomsku opravdanost.

h. Prisustvo vijećnika sjednicama Vijeća bilo je dobro, jer su svakoj sjednici Vijeća, od ukupno 25 vijećnika, u prosjeku prisustvovala 23 vijećnika, ili 92 %.

Na ukupno 10 održanih sjednica Vijeća u periodu od 1.1.do 31.12. 2019. godine, uglavnom nakon ranije najave vijećnika, bilo je 16 odustva sa sjednice, 14 kašnjenja i 16 ranijih napuštanja sjednice.

U produžetku tabelarni prikaz:

	Prezime i ime vijećnika	Odsustvo sa sjednice	Kašnjenje na sjednicu	Ranije napuštanje
1.	Hasanbašić Senad	1	1	-
2.	Klepić Šemsudin	2	-	1
3.	Hodžić Enes	3	1	-
4.	Hodžić Sedina	2	-	-
5.	Subašić Senad	2	1	-
6.	Solo Fahir	1	1	1
7.	Jašić Haris	1	2	1
8.	Omić Mirsad	1	1	-
9.	Hrnjić Muris	1	3	3
10.	Jupić Mirano	1	2	4
11.	Turkeš Kenan	1	-	-
12.	Mahmutović Edin	-	1	2
13.	Piro Amir	-	1	1
14.	Alić Hajrudin	-	-	1
15.	Kotorić Esmir	-	-	1
16.	Kurdić Adem	-	-	1

i. U izvještajnom periodu Vijeću je dostavljeno 12 građanskih dopisa (zahtjev, prijedlog, primjedba.) i održana su 2 sastanka na Građanskom satu sa vijećnicima na kom su bili prisutni članovi Kolegija.

SJEDNICE VIJEĆA

Općinsko vijeće Tešanj je u periodu 1.1. – 31.12.2019. godine radilo u redovnim javnim zasjedanjima. Održano je ukupno 10 sjednica od kojih je jedna bila tematska. Sjednice Vijeća u izvještajnom periodu trajale su u prosjeku oko 4 sata.

Aktivnosti Općinskog vijeća zasnivale su se na zadacima utvrđenim Programom rada Vijeća za 2019. godinu. U pripremi sjednica Općinskog vijeća redovno su održavani sastanci Kolegija Vijeća. Ovakav način rada je doprinio da se na kvalitetniji način planiraju teme za svaku od sjednica Vijeća, obavi rasprava o pojedinim pitanjima i usaglasi dnevni red sjednice čije se održavanje planiralo.

Materijali su u izvještajnom periodu uglavnom dostavljani najmanje 7 dana prije održavanja sjednice, čime je redovno poštovana procedura predviđena Poslovníkom o radu Vijeća.

Cjelokupan radni materijal planiran za sjednice Vijeća, poslije sjednice Kolegija objavljuje se na zvaničnoj web strani Općine. Ovim činom sav materijal činimo dostupnim svim građanima sa ciljem da do početka sjednice preko vijećnika mogu reagovati svojim primjedbama na svaki od predloženih dokumenata.

Sjednicama Vijeća su u svojstvu gosta redovno pozivani: poslanici u državnom parlamentu i kantonalnoj skupštini s područja općine, OSCE, kao i predstavnici javnih preduzeća i ustanova, i drugi, kada je razmatrana određena problematika vezana za navedene institucije.

Na dnevnom redu sjednica Vijeća bile su 102 tačke, od čega su 48 bile predviđene Programom rada Vijeća za 2019. godinu. Ostalih tačaka 54 bile su tekuće aktivnosti nastale kao posljedica zahtjeva građana, poslovnog svijeta i drugih subjekata pred administracijom. U prosjeku je bilo po 10 tačaka dnevnog reda po jednoj sjednici.

Osnovne tematske odluke usvojene u izvještajnom periodu

- Odluka o uslovima za obavljanje poslova upravitelja
- Odluka o usvajanju plana kapitalnih investicija za 2019.godinu
- Odluka o usvajanju Programa novčanih podsticaja za unapređenje poljoprivredne proizvodnje u 2019.g.
- Odluka o izmjeni i dopuni Odluke o pristupanju izradi Prostornog plana općine Tešanj
- Odluka kojom se utvrđuje da je od javnog interesa izgradnja sportsko rekreacionog centra u O.Planjama,
- Odluka o gubitku statusa Javno dobro-put k.p. broj 1802/3, na lokalitetu zv.Ravne
- Odluka o prodaji zemljišta k.p. broj 1802/3, na lokalitetu zv.Ravne
- Odluka o ukidanju statusa Javnog dobra-put označenog kao k.p. broj: 195/2 k.o. Rosulje
- Odluka o prodaji zemljišta označenog kao k.p. broj: 195/2 k.o. Rosulje neposrednom pogodbom
- Odluka o gubitku statusa Javnog dobra-put označenog kao k.č.broj: 1176/3 k.o. Mekiš
- Odluka o prodaji zemljišta neposrednom pogodbom za izgradnju trafo stanice u Dobropolju
- Budžet Općine Tešanj za 2020. godinu
- Odluka o izvršavanju Budžeta za 2020. godinu
- Odluka o finansijskoj podršci školovanju
- Odluka o izmjeni i dopuni Odluke o načinu rasporeda budžetskih i drugih sredstava za dugoročnu podršku realizaciji kapitalnih projekata
- Odluka o izmjenama i dopunama Odluke o zagrijavanju Tešnja daljinskim grijanjem i uslovima za isporuku i preuzimanje toplotne energije
- Odluka o davanju zemljišta u Bukvi na korištenje firmi "MADI" d.o.o. Tešanj
- Odluka kojom se odobrava prodaja i raspisivanje Javnog konkursa za parcelu broj 5/35 u PZ Bukva
- Odluka o prodaji zemljišta označenog kao k.p. broj: 1128/18 k.o. Miljanovci Donji neposrednom pogodbom
- Odluka o davanju saglasnosti za prenos prava na nekretnini radi izgradnje ambulante u Miljanovcima
- Odluka o davanju saglasnosti na kupovinu zemljišta od Đonlagić Derviša
- Odluka o odobravanju kreditnog zaduženja JP Toplana d.d. Tešanj i davanju garancije Općine za kreditno zaduženje kod Razvojne banke Federacije BiH

- Odluka o prodaji zemljišta neposrednom pogodbom u Medakovo
- Odluka o odobravanju raspisivanja Javnog konkursa za parcelu 288/3 u Ljetiniću
- Odluka o komunalnoj naknadi
- Odluka o određivanju vrijednosti boda za obračun komunalne naknade za 2019. godine
- Odluka o objavljivanju Javnog oglasa za imenovanje člana Općinske izborne komisije Tešanj
- Odluka o prodaji zemljišta u Kraševu neposrednom pogodbom
- Odluka kojom se odobrava prodaja o raspisivanje Javnog konkursa za parcelu broj: 1410/3 za k.o. Medakovo
- Odluka o prodaji zemljišta na lokalitetu Ljetinića
- Izmjene i dopune Budžeta općine Tešanj za 2019. godinu
- Odluka o osnivanju poslovnih zona na području općine Tešanj
- Odluka o izmjeni Odluke o usvajanju Programa novčanih podsticaja za unaprjeđenje primarne poljoprivredne proizvodnje na području općine Tešanj u 2019. godini
- Odluka o dopuni Odluke o administrativnim taksama i naknadama
- Izmjena i dopuna Budžeta općine Tešanj za 2019. godinu
- Odluke o izmjeni i dopuni Odluke o izvršavanju Budžeta za 2019. godinu
- Odluka o izmjeni i dopuni Odluke o pristupanju izmjene i dopune urbanističkog projekta "Tešanj-Centar"
- Odluka o davanju saglasnosti za prenos prava na nekretnini u Mrkotiću
- Odluka o prodaji neposrednom pogodbom zemljišta označenog kao k.p.broj: 998/6 k.o. Jevadžije
- Odluka o prodaji zemljišta neposrednom pogodbom na lokalitetu u Rosuljama
- Odluke o izmjeni Odluke o davanju na korištenje zemljišta u Bukvi firmi „MADI“ d.o.o. Tešanj
- Odluka o pogodnostima za investitore na području općine Tešanj
- Odluka o pristupanju sporazumu gradonačelnika i izradi SECAP-a
- Odluka kojom se odobrava prodaja i raspisivanje Javnog konkursa za zemljište na lokalitetu Ljetinića
- Odluka o visini boda za komunalnu naknadu
- Odluka o izmjeni Odluke o davanju saglasnosti za dodjelu koncesije
- Odluka o prodaji nekretnine kod obdaništa u Tešnju

Na 28.sjednici **nije usvojen** Prijedlog Odluke o izmjeni Odluke o nazivima i označavanju ulica, trgova, i označavanju objekata brojevima na području Općine Tešanj.

JAVNOST RADA

Rad svih sjednica Vijeća bio je javan. Sjednicama su redovno prisustvovali i mediji (TV "Smart" Tešanj). Sjednice su emitovane u jasno definisanom terminu, prva subota nakon održavanja sjednice sa početkom u 21,00 sati i nedjelja u 14,00 sati u programu TV "Smart" Tešanj i najkasnije u roku od tri dana na NTV "Amna" Tešanj. Građanima općine bilo je omogućeno televizijsko praćenje sjednica Vijeća, te kraće reportaže putem TV "Smart" Tešanj (Tešanjaska hronika) i lokalnih radio stanica. Također, rad Vijeća redovno je predstavljan na web stranici Općine Tešanj i Tešanjskom biltenu, te na druge načine (facebook stranici i aplikacije za mobilne telefone). Konačni akti redovno su objavljivani u "Službenom glasniku Općine Tešanj", koji su građanima dostupni i na web stranici Općine Tešanj.

RADNA TIJELA VIJEĆA

Stalna radna tijela OV

Za pripremanje i razmatranje prijedloga odluka i drugih akata i za praćenje i proučavanje drugih akata iz nadležnosti Vijeća, u Vijeću se obrazuju stalna radna tijela.

U skladu sa Odlukom o izmjenama i dopunama Poslovnika o radu, u izvještajnom periodu, na 25. sjednici usvojen je Prijedlog Rješenja o imenovanju stalnih radnih tijela Općinskog vijeća Tešanj:

1. Statutarno – pravna komisija;
2. Komisiju za monitoring nad realizacijom Strategije razvoja Općine Tešanj;
3. Komisiju za budžet;
4. Komisiju za praćenje primjene kodeksa ponašanja vijećnika i javnosti rada Vijeća;
5. Komisiju za pitanja mladih i ravnopravnost polova i
6. Komisiju za zaštitu čovjekove okoline;

Proces odabira spoljnih članova radnih tijela Općinskog vijeća Tešanj je unapređen u saradnji sa konsultantima MEG projekta i kao primjer dobre prakse predstavljen na konferenciji UNDP na Jahorini na kojoj su prisustvile sve (18) općine učesnice MEG projekta.

Potrebno je naglasiti da je Općinsko vijeće s ciljem unapređenja transparentnosti i uključenosti što većeg broja građana u rad Općinskog vijeća kao predstavničkog tijela građana, donijelo izmjenu i dopunu Poslovnika o radu Općinskog vijeća koja se odnosi na izbor i imenovanje radnih tijela. Radi efikasnijeg rada, sličnosti i povezanosti poslova koje obavljaju, izvršena je racionalizacija/spajanje nekih radnih tijela, a rezultat toga je: smanjen broj radnih tijela i broj članova radnih tijela a povećan broj članova radnih tijela ženskog spola i broj spoljnih članova stalnih radnih tijela

	Ukupno radnih tijela	Ukupno članova	Spol Ž	Spol M	Spoljni članovi	Članovi iz reda vijećnika
Prije izmjene Poslovnika	11	60	17 (28,33%)	43 (71,67%)	40 (66,66 %)	20 (33,34 %)
Poslije izmjene Poslovnika	7	29	11 (37,93 %)	18 (62,07%)	24 (82,76 %)	5 (17,24%)
Razlika	4 (36,36 %)	31 (51,66 %)				

- Ukupan broj radnih tijela se smanjio za 4 odnosno 36,36 %
- Ukupan broj članova radnih tijela se smanjio za 31 član odnosno za 51,66 %
- Na ukupan broj ženskih članova povećao se za 9,6 % a broj muških članova se smanjio
- Broj spoljnih članova povećao se za 16,1 % u odnosu na ukupan broj članova, a broj članova iz reda vijećnika se smanjio

Komisija za izbor i imenovanje je u toku provođenja procedure izbora i imenovanja radnih tijela Vijeća ispoštovala odredbe Odluke o kriterijima za izbor i imenovanje članova radnih tijela i Odluke o izmjeni i dopuni Poslovnika u pogledu objave javnog oglasa, izbora članova iz reda građana i ispunjavanja svih kriterija a naročito školske spreme i radnog iskustva. Kod jednako rangiranih kandidata prednost su imali pripadnici manje zastupljenog pola, pripadnici nevladinog sektora i marginaliziranih grupa. U svaku komisiju predložen je minimalno jedan član sa visokom stručnom spremom a u Statutarno-pravnoj komisiji, Komisiji za Budžet i Komisiji za monitoring nad realizacijom Strategije razvoja Općine Tešanj svi kandidati imaju odgovarajuću visoku stručnu spremu. Što se tiče spolne strukture od ukupno 24 kandidata, 11 je ženskog a 13 je muškog spola.

Komisija je u izvještajnom periodu Vijeću dostavila prijedlog Rješenja o razrješenju člana OIK i provela proceduru izbora novog člana i prijedlog Rješenja Općinskom vijeću na razmatranje i usvajanje.

U izvještajnom periodu održano je 37 sastanaka stalnih radnih tijela.

R.br.	RADNA TIJELA	Broj sastanaka od 1.1.-31.12.2019.
1.	Komisija za pitanja mladih i ravnopravnost polova	11 sastanaka
2.	Komisija za izbor i imenovanje	6 sastanaka
3.	Statutarno-pravna komisija	3 sastanka
4.	Komisija za praćenje primjene kodeksa ponašanja vijećnika i javnost rada vijeća	4 sastanka
5.	Komisija za zaštitu čovjekove okoline	8 sastanka
6.	Komisija za budžet	4 sastanka
7.	Komisija za monitoring nad realizacijom Strategije razvoja općine Tešanj	1 sastanak

Komisija za pitanja mladih i ravnopravnost polova

Usješno je realizovala organizovanje Okruglog stola s mladima iz Općine Tešanj na temu: "Mogućnost i perspektive mladih u lokalnoj zajednici" i usvojila sljedeće zaključke: Mladi s područja Općine Tešanj su upoznati s radom Komisije i radom nadležnih službi općine Tešanj kada su u pitanju projekti za mlade i nevladine organizacije. Općina podržava projekte mladih, ali je potrebno da se i mladi aktiviraju i da apliciraju na pozive koje Općina raspisuje. Mladi moraju da budu aktivni, kreativni i da predlažu inicijative. Svi prisutni su se složili da ovakvih diskusija treba mnogo više u našem gradu i da će u narednom periodu organizovati još ovakvih događaja.

Članovi Komisije učestuju na UNDP projektu „Žene na izborima u Bosni i Hercegovini“ (2018-2022), i prisustvovali su već na nekoliko radionica i seminara, te s njima u saradnji i Službom za društvene djelatnosti općine Tešanj rade na izradi Gender akcionog plana općine Tešanj 2020-2022.

Statutarno-pravna komisija

U izvještajnom periodu na zahtjev Službe za finansije, komunalne i inspeksijske poslove izvršila je utvrđivanje prečišćenog teksta Odluke o zagrijavanju Tešnja daljinskim grijanjem i Uslovima za isporuku i preuzimanje toplotne energije, razmatrala predložene materijale za 33.sjednicu Općinskog vijeća i prijedlog Rješenja kojim se odbija prijedlog Đonlagić (Alije) Muhameda iz Jelaha za oglašavanje Rješenja broj 02/2-483/66 od 23.05.1966.godine ništavim kao neosnovan.

Komisija za Budžet

U izvještajnom periodu razmatrala i Općinskom vijeću dostavila mišljenje za Izvještaj o izvršenju Budžeta za 2018.godinu, Izvještaj o izvršenju Budžeta za I kvartal 2019. godine Izvještaj o izvršenju Budžeta za period januar-septembar 2019.godine, Nacrt Budžeta Općine Tešanj za 2020. godinu, Prijedlog Budžeta Općine Tešanj za 2020.godinu i Prijedlog Odluke o izvršavanju Budžeta za 2020.godinu.

Komisija za praćenje primjene kodeksa ponašanja vijećnika i javnost rada vijeća,

Na zahtjev službe za katastar i imovinsko-pravne poslove, rješavala je predstavku građanina o kojoj je svoj Stav Komisija dostavila istoj službi i Predsjedavajućem Vijeća na dalje postupanje.

Prijava od strane vijećnika ili građana protiv vijećnika kao pojedinaca u smislu narušavanja Kodeksa nije bilo.

Komisija za zaštitu čovjekove okoline

Razmatrala je ekološka pitanja, uspostavila kontakte i posjetila preduzeća JP „Rad“ i JP „Toplana“ Tešanj radi bolje saradnje po pitanjima zaštite okoliša. Članovi Komisije smatraju da je potrebno organizovati što više prezentacija o zaštiti čovjekove sredine a naročito u osnovnim i srednjim školama zbog čega će u narednom periodu u saradnji sa Službom za društvene djelatnosti i predstavnicima škola nastojati realizovati ovu ideju.

Komisija za zaštitu čovjekove okoline je nakon uvida u radni materijal za 34. sjednicu Općinskog vijeća usvojila Zaključak: Sredstva predviđena za sanaciju gradske deponije u iznosu od 30 000 km nisu dovoljna za pomenuti projekat, koji u budućnosti iznosi 6.000.000km. Stim u vezi, komisija predlaže Općinskom vijeću da se za ovu stavku izdvoji minimalno 100.000 KM, kako bi se realizacija istog ubrzala. sanacija gradske deponije je vrlo vazan projekat za općinu Tešanj, a posebno naseljena mjesta koja gravitiraju u ovom području općine. Tešanj kao sredina ekološke svijesti mora to i ostvariti kroz ulaganja u dati problem.

Dostavljeno Službi za finansije na razmatranje. Služba odgovorila da je zaključak zakasnio jer je javna rasprava o Nacrtu Budžeta završena.

Dva člana **Komisije za monitoring nad realizacijom Strategije razvoja općine Tešanj** su podnijela ostavke zbog čega je trenutno u ovoj komisiji aktivan samo jedan član. Ostavke su proslijeđene Komisiji za izbor i imenovanje koja je će u narednom periodu pokrenuti proces izbora i imenovanja novih članova.

Povremena radna tijela OV

Općinska izborna komisija Tešanj

OIK Tešanj je u izvještajnom periodu pripremila i prosljedila Centralnoj izbornoj komisiji BiH:

1. Izvještaj o radu za 2018. godinu, ujedno i izbornu, uključujući radni i finansijski dio, te popunu tri tabele u prilogu (finansijski dio, aktivnosti na provođenju izbora, te rad Centra za birački spisak),
2. 12 mjesečnih izvještaja na propisanom obrascu (MIOROIJ),
3. 3 kvartalna izvještaja o radu za period 01.01.-30.09.2019. godine,
4. U pripremi je godišnji Izvještaj za 2019. godinu, sa tabelama u prilogu.

U periodu izvještavanja OIK Tešanj je održala ukupno 15 sjednica te pripremila Zapisnike sa održavanja istih. Izvršena je analiza rada OIK Tešanj i biračkih odbora o provedenim Općim izborima u 2018. godini, sagledani problemi i poteškoće u provođenju izbora, te identifikovane prednosti i nedostaci u smislu primjene novih izmjena Izbornog zakona BiH.

Pripremljen je Finansijski Plan za 2020. godinu ujedno i izbornu, uz planiranje svih aktivnosti za realizaciju provođenja lokalnih izbora (naknade za biračke odbore, medijsko oglašavanje, zakup i obezbjeđenje prostora, uređenje biračkih mjesta, angažiranje potrebnog ljudstva i logističke opreme, te ostali troškovi za uspješno provođenje lokalnih izbora). U Budžetu za 2020. godinu planirano je 97.160,00 KM za provođenje lokalnih izbora u 2020. godini.

U saradnji sa matičnim uredima i CBS pri Općini Tešanj kontinuirano se pribavljaju podaci o umrlim osobama u svrhu ažuriranja biračkih spiskova. Putem Centra za birački spisak Općine Tešanj, u izvještajnom periodu izvršena je provjera za ukupno 451 umrlo lice da li se i dalje vode na Centralnom biračkom spisku.

Komisija za procjenu vrijednosti nekretnina u prometu.

Zadatak komisije je da vrši procjenu prometa nekretnina u skladu sa Zakonom o porezu na promet nekretnina („Službene novine Zeničkodobojškog kantona“ broj 6/09). Način rada Komisije i kriteriji na osnovu kojih se vrši utvrđivanje tržišnih vrijednosti nekretnina na području općine Tešanj definisan je Pravilnikom koji je donio Općinski načelnik dana 16.12.2009.godine („Službeni glasnik općine Tešanj“, broj: 10/09) na osnovu čl. 10. i 35. Zakona o porezu na promet nekretnina, čl. 16. i 15. Zakona o porezu na imovinu, nasljeđe i poklon i čl. 30. Statuta općine Tešanj

Uvidom u službenu evidenciju koju evidentira koordinator koji vrši organizaciju rada Komisije, utvrđeno je da je imenovana Komisija u izvještajnom periodu od 01.01.2019.godine do 31.12.2019.godine, izvršila procjenu za 521 predmet (ugovori, rješenja, odluke, zahtjevi službe), od čega je izvršena procjena za 834 parcele i procjena za 164 objekta.

Drugostepena komisija za rješavanje po žalbama protiv prvostepenih rješenja općinskih organa uprave

Zadatak Komisije je rješavanje po žalbama izjavljenim protiv rješenja i drugih akata općinskih organa uprave Općine Tešanj, a koji su rješavani na osnovu Statuta ili drugih propisa Općinskog vijeća i Općinskog načelnika u prvostepenom upravnom postupku.

Drugostepena Komisija za rješavanje po žalbama protiv prvostepenih rješenja općinskih organa uprave je u periodu od 01.01.2019.godine do 31.12.2019.godine održala 7 sastanaka i odlučila o 12 žalbi na rješenja općinskih organa uprave.

Komisija za provođenje javnog nadmetanja - licitacije u postupku prometa općinskim zemljištem

Komisija ima zadatak da postupak nadmetanja- licitacije nekretnine provode u skladu sa odredbama Pravilnika o postupku javnog konkursa za raspolaganje nekretninama u vlasništvu Federacije BiH, kantona, općina i gradova („Sl. novine FBiH“, broj:17/14). Komisija vodi zapisnik u koji se unosi cijeli tok postupka i sve ponude stavljene od pojedinih učesnika, kao i stavljene prigovori. Nakon okončanog postupka nadmetanja-licitacije, Komisija je obavezna svu dokumentaciju vezanu za provedeni postupak dostaviti Službi za katastar, urbanizam i imovinsko pravne poslove.

U izvještajnom periodu održane su 3 licitacije i 4 sastanka u vezi prodaje parcela radi oblikovanja i saglasnosti za prenos prava.

ZADOVOLJSTVO KORISNIKA USLUGA

– Općinsko vijeće Tešanj u 2019. godini

Analiza zadovoljstva korisnika usluga u 2019. godini urađena je na osnovu Uputstva i usvojene metodologije iz 2018. godine. U istraživanju je korišten slučajni uzorak 250 ispitanika koji su koristili usluge u Općini Tešanj, uključujući urede Jelah i Tešanjka. Prikupljanje podataka izvršeno je u periodu od 21.10. do 8.11.2019. godine. Pitanja su ocijenjena od 1 do 5, a na pojedina je odgovoreno sa DA ili NE

Prosječna ocjena izračunata u odnosu na idealnu ocjenu 5, a kod odgovora DA ili NE izračunat je procenat odgovora DA u odnosu na ukupan broj odgovora.

Prosječno zadovoljstvo građana 2017 godine je bilo 56,9% 2018.godine 58% a 2019.godine 54% što znači da je prosječno zadovoljstvo građana 2019.godine smanjeno za 4% u odnosu na 2018.godinu.

Nakon provedene analize anketiranja građana utvrđeno je da je u 2019.godini povećano zadovoljstvo radom Općinskog vijeća a **smanjeno** zadovoljstvo prijenosom sjednica OV i dostupnosti materijala OV.




Komentari ispitanika: uživo prijenos sjednica Općinskog vijeća, povećati brzinu realizacije projekata, više kritikovati vlast i da Općina donosi odluke u interesu građana.

Što se tiče mjere unapređenja u 2019.godini „Raditi na uključivanju većeg broja građana u rad Općinskog vijeća i proceduru donošenja odluka“, može se reći da je uspješno provedena kroz proces odabira spoljnih članova radnih tijela Vijeća jer se broj spoljnih članova iz reda građana povećao za 16% a broj članova iz

reda vijećnika se smanjio (detaljnije obrazloženje i tabelarni prikaz je na stranici 6 i 7 ovog Izvještaja pod temom Stalna radna tijela)

Na pitanja koji segment rada treba unaprijediti, građani su odgovorili zaokruživanjem jednog ili više ponuđenih odgovora, tako da je komunikaciju sa građanima odabralo 105 lica (u 2018. godini - 141), kvalitet donesenih odluka je odabralo 126 lica (u 2018. godini - 133), transparentnost je odabralo 106 lica (u 2018. godini - 105).



ZAKLJUČCI

- a. Kada se ima u vidu ukupna realizacija planskih i vanrednih aktivnosti, može se konstatovati da je Općinsko vijeće u periodu 01.01. – 31.12.2019. godine uspješno realizovalo svoju ulogu.
- b. Većina odluka je usvojena jednoglasno.
- c. Aktivnost Vijeća se ogleda i kroz podnesenih 91 akt (amandmani, vijećnička pitanja i inicijative) i usvojenih 149 akata koji su upućeni Općinskom načelniku i administraciji na realizaciju, od kojih je većina realizovana. Informacija o realizaciji odluka, rješenja i zaključaka Općinskog vijeća je redovno dostavljana i objavljuvana na web stranici Općine u materijalima za svaku sjednicu.
- d. Realizovati mjere unapređenja zadovoljstva korisnika usluga u 2020. godini:
 1. Dodatno promovisati dostupnost materijala Općinskog vijeća i termin emitovanja sjednica.
 2. Povećati komunikaciju sa građanima.
 3. Nastaviti sa obukama općinskih vijećnika i članova komisija.
- e. U cilju transparentnosti rada ovaj Izvještaj će biti objavljen na zvaničnoj web stranici Općine Tešanj i jednim dijelom u narednom broju Biltena, te tako dati priliku i građanima da se upoznaju i putem ove zbirne informacije o radu Općinskog vijeća Tešanj.



PREDSJEDAVAJUĆI VIJEĆA

Senad Subašić, dipl.oec.